

BH PLUSdi www.bharian.com.my
untuk lebih gambar dan video**Fakta
nomor****RM25-RM60**harga setiap
satu bantal**RM100-RM150**harga setiap
satu tilam

Liyana Shahirah menyiapkan tempahan bantal kekabu pelanggan.



Antara jenis bantal yang dihasilkan Liyana.



Liyana Shahirah menunjukkan kekabu yang digunakan untuk bantal dan tilam.

Graduan bangga jual bantal

BERITA HARIAN (KERJAYA) 21 SEPT 2016 M/S 5

→ Produk dihasil Liyana terima permintaan tinggi

Oleh Shahrinnahar Latib
bhnews@bh.com.my

Pekan

Bermula sebagai hobi menghasilkan bantal bayi untuk kegunaan anak sendiri, Liyana Shahirah Esahar kini berbangga apabila mula dikenali menerusi perniagaan membuat bantal daripada kekabu sejak Julai lalu.

Perniagaan yang pada awalnya dilakukan secara kecil-kecilan bagi memenuhi permintaan ahli keluarga dan kenalan rapat, kini semakin berkembang apabila mendapat tempahan dari seluruh negara.

Liyana Shahirah, 26, yang juga graduan Ijazah Sarjana Muda Grafik dan Teknologi Maklumat Universiti Malaysia Pahang (UMP) sebelum ini beliau bekerja sebagai pembantu peri-

badi kepada pengarah di sebuah syarikat swasta di Kuantan.

Namun, beliau mengambil keputusan berhenti selepas dua tahun bekerja dan menjalankan perniagaan membuat bantal kekabu berikutnya perminatan tinggi pelanggan.

Keluarga beri galakan

"Keluarga dan suami, Wan Shariful Azmi Wan Rastam Shaharaman, 34, memberi galakan untuk mengusahakan bantal kekabu kerana mampu menjana pulangan baik," katanya ketika ditemui di rumahnya di Tanah Putih di sini, semalam.

Ibu kepada anak berumur enam bulan itu berkata, idea perniagaan bantal kekabu pendapatan tercetus apabila beliau mengalami kesukaran mendapatkan tilam dan bantal kekabu untuk anak sulungnya.

"Hampir dua minggu saya ca-

ri tilam dan bantal kekabu untuk anak di sekitar daerah ini dan Kuantan, tetapi tidak jumpa. Jadi bermula daripada kepayahan itu saya mula menjahit tilam bayi bagi kegunaan sendiri. Kemudian saya masukkan gambar bantal yang dihasilkan di laman sosial dan ternyata ramai kawan yang berminat.. inilah saya memulakan perniagaan ini," katanya.

Liyana Shahirah memberitahu, setiap hari dia mampu menghasilkan lima bantal kekabu manakala tilam pula mengambil masa tiga hari untuk disiapkan.

"Saya menjual bantal antara RM25 hingga RM60 satu, manakala tilam antara RM100 hingga RM150."

"Saya merancang membuka kedai sendiri, namun pada masa ini lebih selesa menjalankan perniagaan di rumah," katanya.